

Nuutsbreef , april/mei 2022

Bèste Veldeke minse,

1. Op 1 juni a.s. is oos **Jaorvergadering**. Aafgezeen van 't feit det w'r altied gaer höbbe det geer daobie zeentj, is 't teves de lèste gelaegenheid 'n gratis plaats te reserve vöör de activiteit die hie ónger besjreve is.

2. Concert Reünie Orkes Limburgse Jagers bie jubileum VKE

Wie al eerder gemeldj, bestuitj Veldeke Krink Ech dit jaor 45 jaor. Neet 'n jubileum óm flink oet te pakke, mer toch aanleiding óm get te viere. Dao zeen al oppertied gesprekke op gang gekómme mit 't bestuur van "De Limburgse Jagers" óm 'n concert in Ech te organisere. In oos vöörige Veldeke Bekèt stuitj aangegaeve det w'r dao 'n gezamelike viering van zoewe make, ómdet 't orkes dit jaor ouch 'n jubileum haetj. Mer det bliektj oeteindelik neet mäögelik. Ouch de combinatie mit 'n plechtige mèsviering kömptj te vervalte.

Waat waal blif is 't **fiëestelik concert in de Pejjerhaof, op zóndigmiddig 19 juni óm 14.00 oer**. Aafgewisseldj mit vöördrachte door leje van Veldeke Krink Ech. Dit concert is toegankelijk vöör ederein taegte betaling van entree. ***Oos leje kriege dit concert gratis aangebaoje, mer dene zich waal vööraaf aan te melje. Det aanmelje kan tót en mit uterlik de jaorvergadering op 1 juni.***

Waem neet is aangemeldj en later tóch wiltj kómme, mótt via de website 'n betaaldj kaertje á 7,50 euro zeen te kriege. De vrieje verkoup via de website startj daags nao de jaorvergadering en tót alle zitplaatse bezatj zeen.

Wiltj g'r daobie zeen, hanjeltj den gaw. Det kan per email aan info@veldekekrinkech.nl of telefoon aan Ton van Wegberg 0475-482149.

